



## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

Epistola XI. Martini Papae I. Ad Ecclesiam Hierosolymitanam Et  
Antiochenam. Nuntiat Monothelitarum haeresim in Concilio fuisse  
damnatam, ordinationemque Macedonii Antiochiae, & Petri Alexandriae ...

**urn:nbn:de:hbz:466:1-15300**

tantur: sed vt magis augeantur ac splendescant, instantia diligentiaque sacerdotum, qui vt constituantur, adiuuans vestra Christi amans claritudo per præfatum dilectum nostrum coepiscopum, propriæ matris, nempe catholicæ ecclesiæ viscera reficiet, ad salutem eius filiorum suum Domino studium ipsis operibus exhibens, a quo iuste in illo tribunal audies coram cælestibus angelis & omni sanctorum choro: *Euge serue bone, super pauca fuiſti fideliſ, super multa te conſtituam: intra in gaudium Domini tui.* Matth. 25.

## E P I S T O L A XI.

## M A R T I N I P A P Æ I.

A D E C C L E S I A M H I E R O S O L Y M I T A N A M

E T A N T I O C H E N A M.

Nuntiat Monothelitarum hæresim in Concilio fuisse damnatam, ordinationemque Macedonii Antiochiæ, & Petri Alexandriæ perperam esse factam: Vt in fide catholica persistant, & Ioanni vicario, cui dictæ Synodi acta misit, obedient.

*Dilectis fratribus, qui sanctæ Christi Dei nostri ciuitati, nempe Hierosolymitanæ sedi sacerdotaliter subsunt, orthodoxis episcopis, presbyteris, diaconis, præfectis monasteriorum, monachis ascetis, populis Christum diligentibus: similiter & iis qui censentur sub Antiochenæ sede, Martinus seruus seruorum Dei, & sanctæ eius catholicæ & apostolicæ Romanæ ecclesiæ episcopus.*

**G**RATIA vobis & pax a Deo Patre nostro & domino Iesu Pl. 1.  
Christo in Spiritu sancto, qui per virtutes habitat in cordibus vestris. Gratias ago Deo meo in omni memoria vestri semper in cunctis orationibus meis pro omnibus vobis cum gaudio deprecationem faciens super communicatione vestra in euangelio Christi, ut caritatem magis abundetis in scientia & omni sensu, ut probetis potiora, ut sitis sinceri & sine offensa in diem Christi, repleti fructu iustitiae in gloriam & laudem eius. Scire enim vos volo, fratres, de rebus presentibus, id est, de furibus, qui temporibus nostris insurrexerunt contra orthodoxam fidem, nempe Theodoro, qui fuit episcopus Pharan, & Cyro qui Alexandriæ, & Sergio qui Constantinopolis, & eius successoribus Pyrrho & Paulo: quod hi per propriam hæresim valde moliti sunt perfodere, & thesauros siue dogmata

ecclesiæ catholicæ expilare. Nos vero, id est, huius apostolicæ sedis pontifices, ad custodiam domus peruigiles iuxta præceptum Domini, non permisimus eos hanc effondere, vel fidei surripere thesaurum: sed ipsos catenis impiaæ eorum & adulterinæ doctrinæ constringentes, accura-  
ta demonstratione & examinatione eorum quæ ab ipsis contra integratatem Christianæ fidei scripta sunt, tum ip-  
pos, tum ea quæ impie docuerunt, igne canonicæ senten-  
tiæ veluti mala zizania exurentes, synodaliter condemna-  
uimus, vbique omnibus eorum hæresim publicantes: vt,  
cum omnes ex iis quæ a nobis nuper gesta sunt, eam con-  
trariam & aduersariam paternis ac synodalibus ecclesiæ catholicæ definitionibus esse cognouerint, pii & orthodo-  
xi, simili nobis modo, zelo Dei contra prædictos hæreticos moueantur, eosque & ipsorum hæresim damnent, omnia-  
que pro ea ab iis impie acta & scripta, vna cum ipsorum suggestione contra fidem facta, nempe expositione Hera-  
clii imperatoris, & formula eius qui nunc serene imperat,  
atque omnibus qui similia ipsis senserunt, aut sentiunt, sen-  
sive sunt, & vsque in finem in eiusmodi hæresi perma-  
nent, nec poenitent; sed vnam dementer aut nullam omni-  
no diuinitatis atque humanitatis Christi docent voluntate & operationem, vt & naturam ex toto. nam ex eadem  
voluntate atque operatione, eadem inducitur substantia,  
iuxta sanctorum & orthodoxorum doctrinam patrum.  
quorum nos disciplinam inuiolabiliter custodientes ac de-  
fendentes, eos omnes qui contraria ipsis sentiunt, damna-  
uimus ac damnamus. atque idcirco prædictos damnauimus viros, vtpote qui ex iis quæ docuerunt, declarati sunt  
aliter quam illi, sentire, nec se vsque adhuc correxerunt,  
aut corrigi volunt. Quidam enim ipsorum in hæresi vitam  
finierunt, alii per suam hæresim etiam nunc vitam admo-  
dum perturbant: quamuis multis ac multorum religiosorum  
sacerdotum, in diuersis commorantium locis, non v-  
tique solum nostris, siue huius catholicæ sedis pontificum  
exhortationibus & obtestationibus admoniti, vt a propria  
hæresi declinent, & ad Dominum per orthodoxam fidem  
accurrant: nec voluerunt intelligere vt bene agerent; sed  
in proposito suo obstinate perseuerarunt, & noluerunt  
conuerti ad Dominum. Vnde eos, veluti lapides scandali

&amp;

& petram offensionis e via disieimus, omnibusque diligentibus Dominum semitam muniuimus sinceræ in ipsum confessionis ex sanctorum patrum, & vniuersalium quinque Conciliorum doctrina: vt nobiscum iuxta sanctissimam illorum traditionem teneant ac prædicent duas eiusdem & vnius Christi Dei nostri naturas secundum hypothesisim vnitatis inconfuse atque indiuise: ac duas naturales voluntates, duasque naturales operationes, diuinam & humanam, increatam & creatam, connaturaliter vnitatis: ad demonstrationem perfectam, quod Deus natura perfectus, & homo natura perfectus, absque solo peccato, idem vere existit. Quapropter hortamur dilectionem vestram, vt ita nobiscum semper credatis ac teneatis, deuitantes omnem haeresim, quæ contra catholicam ecclesiam & prius & nunc exorta est, insanosque haeresum autores, quorum exemplo, vna cum vetere & nouum, qui que temporibus nostris a vera doctrina aberrauit, Macedoniū haeticum, quem contra Canones sibi finxerunt falsum Antiochiae episcopum prædicti haeretici, quemadmodum & Petrum Alexandriæ tumultuarie creauerunt. Hos enim sibi consentientes nacti, concurrentesque in propriæ haereseos exitium, & similiter ipsis expositionem nouæ doctrinæ formulamque superinductitiam accipientes, mercedē iniustam huiusmodi eorum impiæ consensionis ac vanitatis, fictam sacerdotii ipsis imposuerunt appellationem: non ab ullo legitimo suffragio aut ecclesiastica successione ad hoc inducti, sed a prava & haeretica excogitatione: vt per plures & adscriptitias personas, vt quidem putant, constituant inconsistentem suam & damnatam haeresim, Dei vero catholicam & apostolicam ecclesiam vastent, quam nos ædificare properantes in Spiritu sancto, ad maiorem eius stabilitatem conuenienter studuimus in præsenti præcipere, secundum potestatem nobis a Domino in gratia daram per sanctum Petrum apostolorum principem, Ioanni dilecto fratri nostro, episcopo Philadelphensiū ciuitatis, vt locum nostrum in omnibus ecclesiasticis articulis in partibus orientis suppleat, & creet in omnibus ciuitatibus, quæ Antiochenæ sedi, quæque Hierosolymitanæ sacerdotaliter subsunt, episcopos, & presbyteros, & diaconos: ne, sicut dicit propheta, defiant a comeditione oues, eo quod non sint boues Abac. 3: in xix. 70.

*Concil. Tom. 15.*

Vicarius ac  
postolicæ  
sedis in or-  
iente creat  
episcopos.

E

*in præsepibus, id est, fideles & orthodoxi populi, quod catholice ecclesiæ episcopos non habeant, qui spiritualem ipsi cibum excolant & præbeant, per aptam rerum conuenientium doctrinam atque institutionem, nuncque maxime, cum omnia nos misera deprehenderunt, & in nouissima tēpora conclusi sumus, in quibus multa in nos irruunt scandala, vt percellantur, si fieri potest, etiam electi, iuxta verisimilias Domini prædicationes.*

*Matth. 24.**et Pet. 5.*

*Quamobrem, dilectissimi, ampliori & diligentiori cura rationabiles oues per sacerdotale officium munire debemus: quoniam aduersarius noster diabolus, sicut leo rugiens circuit quærens quem deuoret: cui resistite fortiter in fide permanentes: propter quod succincti lumbos vestros, perfecte sobrii, in gratiam, quæ vobis offertur, sperate, in susceptione nostræ apostolicæ de hoc obsecrationis & exhortationis: vt tamquam obedientiæ filii, vnamimite omnes sacro diuinoque studio adiuuetis propositum apostolica auctoritate vicarium nostrum, nempe dilectū episcopum Philadelphensium, vt omnimodis perficiatis opus ministerii huius ad salutem animarū vestrarum: non configurati inobedientibus aut contradicentibus veritati per inconsistentem ipsorum hæresim: sed secundum eum, qui vocauit vos, sanctum, & ipsi sancti in omni conuersatione fitis, per obedientiā & gratiam in eodem verbo fidei. Ecce enim ipsi quæ a nobis synodaliter gesta sunt misimus, permittentes, vt ea vobis omnibus manifestet, & nota faciat quæ a nobis ibi confirmata sunt pia præconia sanctionesque præfatorum sanctorum patrum, & probatarū vniuersalium quinque Synodorum; atque vt nobiscum hortetur vos omnes pios atque orthodoxos, vt quemadmodum ex ipsis accepistis Dominum ac Deum nostrum Iesum Christū, sic in ipsum credatis, & in ipso ambuletis. Humiliamini igitur sub potenti manu Dei, & salutifera nostra de hoc accipite monita: vt exaltet vos in tempore diuinissimæ ipsius reuelationis, in qua multa erit superque omnem cogitationem merces iis qui eius fidem & mandatum usque in finem impræuaricabiliter seruauerint. Deus autem omnis gratiæ, qui vocauit vos ad æternam ipsius gloriam, proficientes in omnibus bonis, & ascensionem virtutum in ipsum semper facientes, perficiat, stabilit, cōfirmet ac fundet in ipsius metu & cognitione veritatis. Ipsi imperium & gloria cum Patre, & sancto Spiritu in sæcula sæculorum. Amen.*

*et Pet. 2.**Ibidem.*